

Na osnovu Pravila i kriterija firme Mega-Trans d.o.o. Visoko raspisuje se konkurs za dodjelu stipendija za redovne studente I ciklusa studija – upisane prvi put u akademskoj 2020/2021. godini.

Pravo na dodjelu stipendije imaju studenti koji ispunjavaju navedene uslove:

- državljanin/ka Bosne i Hercegovine;
- redovno upisan/a prvi put u drugu ili treću godinu dodiplomskog/bachelor studija na Fakultetu za saobraćaj i komunikacije Univerziteta u Sarajevu;
- ostvareni prosjek ocjena u prethodnoj godini studija 7 – 10.

Bodovanje i rang lista prijavljenih kandidata/kinja će se vršiti po sljedećim kriterijima:

Akademski kriteriji	55
Prosjek ocjena u prethodnoj godini (7 – 10) x 3 boda	30
Subjektivna procjena na razgovoru	20
Nadarenost, sport, kursevi	5
Socijalni kriteriji	45
Socijalno ugrožena kategorija (primanja manja od 300 KM/članu, stanovanje u iznajmljenom prostoru, socijalna primanja)	10
Veći broj članova zajedničkog domaćinstva (član x 2 boda)	10
Djeca bez jednog ili oba roditelja (5 ili 10 bodova)	10
Djeca ratnih vojnih invalida i civilnih žrtava rata (šehida)	5
Teža bolest članova porodice	10

Broj bodova za svaki kriterij predstavlja maksimum po skali. Maksimalan ukupan broj bodova je 100. Dva kandidata/kinje sa najvećim brojem bodova postaju stipendisti. Stipendije se ne mogu dodijeliti za dva studenta/ice iz istog porodičnog domaćinstva.

Visina stipendije po studentu iznosi 200 KM mjesečno, isplaćivat će se za 10 mjeseci akademske 2020/2021. godine, počev od februara 2021. godine.

Kod prijave za stipendiju studenti dostavljaju sljedeće dokaze:

- uvjerenje o državljanstvu ili ovjerenu fotokopiju lične karte;
- original ili ovjerenu kopiju uvjerenja o prebivalištu (CIPS);
- uvjerenje da je student prvi put upisao odgovarajuću godinu studija u statusu redovnog studenta (original ili ovjerenu fotokopiju);
- potvrdu o položenim ispitima sa prepisom ocjenama i prosjekom samo za prethodnu godinu studija (original ili ovjerena kopija);
- certifikate ili potvrde sa raznih kurseva, medalje ili diplome sa sportskih turnira, ne starije od 3 godine (ukoliko ima, kao dodatne bodove);

- kućnu listu (izjava o zajedničkom domaćinstvu) izdatu od mjesne zajednice (original), ne stariju od 60 dana;
- ugovor o iznajmljivanju prostora za stanovanje ili dokaz o stanovanju u socijalnoj ustanovi (ako je to slučaj);
- potvrde o primanjima članova porodičnog domaćinstva navedene u kućnoj listi (potvrda o ostvarenoj prosječnoj plati za prethodna 3 mjeseca uključujući i topli obrok, kopija čeka od penzije, kopija čeka o primanju invalidnine, kopija čeka za primanje dječijeg dodatka ili primanja po bilo kojem drugom osnovu);
- za nezaposlene članove porodičnog domaćinstva potvrda o nezaposlenosti izdata od nadležne institucije – biroa za zapošljavanje;
- izvod iz matične knjige umrlih za djecu čiji su jedan ili oba roditelja umrli, original ili ovjerena fotokopija;
- za studente iz porodice demobilisanih boraca, šehida, poginulih boraca, RVI ili civilnih žrtava rata dostaviti dokaz o istom (uvjerenje/potvrdu nadležne institucije);
- za djecu demobilisanih boraca dostaviti dokaz o istom, uvjerenje/potvrdu da je roditelj studenta demobilisani borac, original ili ovjerena fotokopija;
- medicinski nalaz, potvrdu ili drugi dokaz o teškoj bolesti, odnosno potvrdu o postotku invalidnosti člana uže porodice.

Kandidati/kinje koji/e žele aplicirati za stipendiju mogu prijavu dostaviti poštom ili lično na adresu firme Mega-Trans d.o.o. Visoko, Industrijska zona Ozrakovići b.b., 71300 Visoko, sa naznakom "Prijava na konkurs za dodjelu stipendija". U prijavi obavezno navesti kontakt telefon ili e-mail.

Krajnji rok za apliciranje i dostavu dokumentacije je 22.01.2021. godine. Nepotpune i neblagovremene prijave se neće uzeti u razmatranje.

Kandidati/kinje koji/e uspješno prođu prvi krug selekcije bit će obavješteni/e o datumu, vremenu i mjestu razgovora. Nakon obavljenog intervjua izvršit će se konačno rangiranje i odabir 2 dobitnika/ice stipendija, o čemu će biti informisani/e putem telefona i/ili mail-a. Sa odabranim stipendistima će se zaključiti ugovor i odrediti potrebna dokumentacija za naknadnu dostavu.

Za uspješne stipendiste postoji mogućnost za obavljanje prakse, pripravničkog staža ili zaposlenja u firmi, u zavisnosti od potrebe firme.